

// LÄITBILD

Miär sind d'Ürner  
Kantonspolizyy.



# Läitbild vu dr Kantonspolizyy Üri.

## // MIÄR SCHAFFET

### SICHERHÄIT IM KANTON

// Miär lüäget drfir, dass d Gsetzi befolgt wärdet und dass d Mänschä i yserem Kanton vor nyt miänt Angscht ha.

// Miär schaffet i Üri innä Sicherhät dur heechi Presänz, dur planmässigi Verhinderig und dur Üffdeckig vu meglichtsch vilä Verbrächä.

// Miär chemet glätig z Hilf, wo Gfahrä umä sind.

// Miär gsehnd yys ass Diänschtläischtigsbetriib fir yserä Kanton und verpflichtet yys zunerä rächtlich korrektä Erfillig vu yserem Üfftrag.

## // MIÄR SIND

### Ä TÄIL VU DR GSELLSCHAFT

// Miär chemet frindlich, i allä TAILÄ tipp-topp und hilfsberäit drthar und pfläget äs Verhältnis zu yyserer Bevelkerig, wo uff gägäsytigem Vertrüuwä begrindet isch.

// Miär gäänd yys partnerschaftlich und ferderet d Zämäarbet.

// Miär pfläget ä aktivi, ehrlichi und zytgerächti Verbindig nach innä wiä äü nach ussä.

// Miär legget Wärt uff nä verantwortigsvollä Umgang mit yysernä Mittel und mit dr Umwält.

// Miär gwahret gsellschaftlichi Entwickligä und läischtet ä wichtigä und zükunftsorientiertä Bytrag fir äs Zämäläbä, wo vum Fridä trät isch.

## // MIÄR TRÄÄGET

### VERANTWORTIG UND LEGGET WÄRT UFF QUALITÄT

// Miär zäichnet yys dur Rächtschaffähäit, Ysatzwillä und Züäversicht üss.

// Miär wisset, dass miär Vorbildwirkig hend, gänd Sicherhäit dur klari Haltigä, nämet Äigäverantwortig uff yys und pfläget ä Fiärigsschtil, wo vu Wärtschetzig prägt und situationsgrächt isch.

// Miär schtellet ä heechä Aschpruch a yyseri perseentlichi, gsellschaftlichi und fachlichi Tichtigkeit.

// Miär ziänd Nutzä uss ämä kritischä Nachädänkä fir ä perseentlichi Wyterentwicklig und fir d Mitgeschaltig im Beräich vu dr Organisation.

**Kantonspolizei Uri**

Tellsgasse 5

6460 Altdorf

+41 41 874 5353

[kantonspolizei@ur.ch](mailto:kantonspolizei@ur.ch)

[www.ur.ch/kapo](http://www.ur.ch/kapo)